



Jumat, 30 Desember 2022
Ogen: Perbahanen 9:5-6



Ise Kin Kam Tuhan?



Megati turah la siangkan, perubaten, nembah ate erkiteken mbue denga si langa iangkai, la jelas ras la ieteh. I bas kecibal si bage rupana, la ka nungkun janah la ka lit si nuriken kejelasenna. Penungkunnen si langa terjabap megati erbahanca la tetap ukur. Janah i bas dampar sideban, dikune kerina tangkas maka pusuh si erbera-bera, ukur si mekeng pe banci susur. I je me perlu kal lit kalak si nuriken kai situhuna, mereken jabapen si payo gelah la turah perubaten i tengah-tengahta.

Enda me si jadi nandangi kegeluhen si Saulus, la terbuka nandangi situasi ras perkembangan sekelewetta. Ia nggelem aturen ras pemetehna saja e maka igasgasina kalak si erkiniteken man Jesus. Kenca ia jumpa ras Jesus i bas perdalannya ku Damaskus, ndabuh ia ku taneh paksa teridah terang i langit nari. Sora siibegina e me `O Saul, Saul, ngkai maka iayakindu Aku?' Penungkunnen enda ialoina alu kata `Ise kin kam Tuhan?' Jabapen Tuhan `Aku kap Jesus si iayakindu.' Ipetandaken Jesus diriNa man Paulus, kalak si la tek, singgasgasi pengikut Jesus. Jabapen penungkunenna ndai me si mabai ia ku bas pertobatan, jenari lanai ia nggasgasi ajar-ajar ras pengikut Jesus. Janah ia pe enggo jadi pengikut Jesus. Bagi nembahna atena nai bage me kelengna atena nandnagi Jesur ras kerina perpulungen e. Payo penandaina Jesus si sedekah enda la itandaina. Penungkunenna ijabab alu tegas.

Bagenda me man banta kerina, payo min sitandai Jesus e gelah keleng ateta ia. Pertobatenta iumputi alu keleng ate, ketutusan, kedewasan i bas erkiniteken dengen ngasup mpetandaken Jesus man kalak sideban

☞ *Tandailah isekijn Tuhanndu!*